



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De  
Contractibus

**Antoine, Paul-Gabriel**

**Ingolstadii, MDCCXXXIII.**

**VD18 90392159**

Q. 1. Quale peccatum est judicium temerarium, item suscipio ac dubitatio  
temeraria?

**urn:nbn:de:hbz:466:1-40993**

## CAPUT IV.

*De Injuriis contra famam, & honorem per  
judicium temerarium, detractionem,  
calumniam, & contumeliam, & de  
necessaria restitutione.*

Q. I. **Q**uale peccatum est judicium temerari-  
um, item suspicio, ac dubitatio te-  
meraria?

*Not.* Dubitatio est suspensio intellectus  
inter assensum, & dissensum. Suspicio est in-  
clinatio seu concitatio mentis ad assentiendum  
uni parti, sic tamen ut nondum absolute ei as-  
sentiantur. Judicium est assensus mentis, qui  
sistit cum formidine oppositi, dicitur opinio;  
si sine tali formidine, vocatur judicium fir-  
mum. Hi actus sunt temerarii, quando sine  
sufficientibus indiciis, seu rationibus concipi-  
untur: nam si ex sufficientibus motivis, non  
sunt temerarii, ut si judges Petrum esse inju-  
stum, quia usuras exigit. Charitas tamen po-  
stulat, ut dum opus externum excusare non  
potes, excuses intentionem, vel indeliberatio-  
nem, si possis, aut totum Deo discutiendum  
relinquas. Porro majora indicia requirun-  
tur ad prudens judicium, quam ad suspicio-  
nem, vel dubitationem, cum plus sit judicare,  
quam suspicari, vel dubitare.

*Resp.* I. Temerarium de re gravi proximum

S 3 infa-

infamante judicium etiam opinativum, quod cum plena advertentia concipitur, est mortale contra justitiam. Ita omnes de judicio firmo, & communis est inter Recentiores, teste De Lugo, de judicio etiam opinativo, ac formidoloso. Prob. 1. ex Luc. 6. *Nolite judicare, & non judicabimini.* *Nolite condemnare, & non condemnabimini.* & Jac. 4. *Qui judicat fratrem suum detrahit legi, & judicat legem.* Ubi generatum, & indistincte prohibetur graviter omne judicium temerarium, & proinde non solum firmum, sed etiam opinativum. 2. Quia per illud fit gravis injuria proximo; nam graviter violatur jus, quod habet, ne sine sufficienti causa judicetur malus, aut vilius, & perdat bonam existimationem apud alium; hocque homines molestissime ferre solent. Quare est obligatio illud iudicium statim depонendi, ut tollatur iniuria. 3. Ex hoc ipso, quod aliquis malam opinionem habet de alio sine causa sufficienti, inaequitate contemnit ipsum; & ideo injuriatur et, ait S. Thom. 2. 2. q. 60. a. 1. ad 2.

Dixi, 1. Temerarium; nam judicium de personis, licet quandoque sit falsum, non tamen semper est peccatum, nisi quando est omnino temerarium. ait S. Thom. quodlibet. 12. a. 34. proximus non habet ius, ut estimetur probus ab eo, cui crimen eius sufficienter cognitum est.

Dixi 2. Cum plena advertentia; nam potest esse veniale non solum ob levitatem materie, & temeritatis, sed etiam ob defectum plenae adver-

advertentiae. Imò nullum est, si sit ex sola intellectus promptitudine absque ullo deliberato voluntatis consensu conceptum. Sed ubi primùm advertis te sic male iudicare, peccas perseverando in eo iudicio, utpote mortali, positâ plenâ advertentiâ cum gravitate materie.

Porrò ad temeritatem mortalem non requiriatur advertentia actualis ad insufficientiam indiciorum, seu motivorum, si mala præoccupatio, voluntaria passio, invidia, vel odium sit causa præcipitationis iudicii, & defectus advertentiæ actualis; nam tunc temeritas illa est sufficienter voluntaria in causa, nempe in mala affectione; & inadvertentia insufficientiæ indiciorum est vincibilis, ac culpabilis.

*Resp. II.* Suspicio, & dubitatio voluntariæ graviter temerariæ in re valde gravi, & cum advertentiâ plenâ, sunt peccata mortalia, saltem si ex pravo affectu, & malevolentiâ nascentur. *Ita De Lugo, Lessius & alii multi.* Quia 1. ad Tim. 6. inter gravia peccata numerantur suspiciones malæ. 2. Ex S. August. Epist. 137. *Ne malevolo animo de servis Dei falsa suspicando pereatis, illud apostolicum recordamini: Nolite ante tempus iudicare.* 3. Tunc fit gravis iniuria proximo: nam quisque habet ius, ne quisquam de ipso sine sufficienti causa male opinetur, suspicetur, & de sua probitate dubitet, illudque ius graviter violatur in revalde gravi. Et nullus est prudens, qui non putet gravem

**S**i bi iniuriam fieri, indéque gravem molestiam sentiat; nec eum, qui ita de se suspicatur, haberet in numero suorum amicorum. Imò in dubitatione illa continetur iudicium: nam qui sic cum plena deliberatione dubitat, non solum suspendit assensum, sed etiam iudicat ambiguam esse probitatem proximi, nec eum posse prudenter iudicari probum.

Quare cum S. Aug. tract. 90. in Joan. ait suspiciones temerarias ad tentationem humana-  
nam pertinere, sine qua duci non potest ista  
vita; & S. Thom. q. 60. a. 3. dicit dubitatio-  
nem temerariam esse venialem, intelligi de-  
bent de repentinis nondum satis deliberatis,  
vel leviter temerariis, & ex humano errore  
non ex malevolentia conceptis. Et ideo  
multi docent peccare solum venialiter eum,  
qui de gravi malo proxiri suspicatur, vel du-  
bitat ex solo errore intellectus, quo apprehen-  
dit indicia, ob quæ suspicatur, tanquam suffi-  
cientia ad suspicandum, paratus suspicionem  
deponere, ubi melius adverterit: tum quia  
temeritas illa non est omnino voluntaria, cùm  
non ex malitia, sed ex solo humano errore, &  
fragilitate suspicetur: tum quia indicia, prop-  
ter quæ suspicatur, non carent omni verisimi-  
litudine ad suspicandum; quando enim su-  
spicio non est ex malevolentia, sed ex solo hu-  
mano errore, indicia non carent omni proba-  
bilitate.

Observe 1. Materia, quæ in detractione ad  
mortale

mortale sufficit, h̄ic quoque sufficit: hinc  
materia gravis censetur non solum peccatum  
mortale, sed etiam habitus peccati venialis,  
spectatis statu, famâ & qualitate personæ; vel  
defectus inculpabilis, sed infamans, seu unde  
quis notabiliter vilescit in animo iudicantis,  
vel in contemptum adducitur, ut esse fatuum,  
spurium, &c. ergo mortaliter peccas si temerè  
iudices, vel suspiceris Religiosum habere con-  
suetudinem mentiendi, esse vanum, regulas  
suas negligere, orationi non vacare, &c. ali-  
quem esse fatuum, & officio, a chonore indig-  
num, &c.

Observ. 2. Quamvis certum sit opus ab ali-  
quo factum esse mortale ex genere suo, non  
ideo tamen potes iudicare proximum certò  
peccâsse mortaliter: quia potest excusari co-  
ram Deo, ob imperfectam deliberationem,  
vel inconsiderationem, aut ignorantiam in-  
vincibilem: item incertis rumoribus de pro-  
ximi criminis vel malo infamante fides nulla  
adhibenda est, nam rumores incerti non pos-  
sunt fundare iudicium prudens, & semper ex-  
tra necessitatem animus à dubitatione, suspi-  
cione, & iudicio de peccatis alienis cohiben-  
dus est, ut vitetur periculum temerè iudicandi,  
vel suspicandi cum iniuria proximi.

*Sed h̄ic queri potest utrum dubia sint in meliorem  
partem interpretanda?*

Resp. I. Dubia de personis ad bonam, vel ma-  
S 5 lama

lam existimationem pertinentia, sunt in meliorem partem interpretanda: est commun. Prob. 1. ex S. August. l. 2. de Sermone Domini in monte c. 18. Nolite judicare, ut non judicemini, Sc. hoc loco nihil aliud nobis præcipi existimo, nisi ut ea facta, quæ dubium est, quo animo fiant, in meliorem partem interpretetur... de quibus temerarium est judicare, maxime ut condemnemus. 2. Ex S. Thom. 2. 2. q. 60. a. 4. Ex hoc ipso, quod aliquis habet malam opinionem de alio absque sufficienti causa, injuriatur ei, Sc contemnit ipsum. Nullus autem debet alium contemnere, vel nocumentum quocunque inferre absque causa cogente; Sc ideo ubi non apparent manifesta indicia de malitia alicujus, debemus eum ut bonum habere, in meliorem partem interpretando, quod dubium est. 3. Quia maximè cavendum est, ne fiat injuria proximo; & de possessione bonæ famæ injustè deſiciatur. Sic autem hæc dubia in meliorem partem sunt interpretanda 1. Negativè, ita ut in dubio etiam positivo nunquam judices, opineris, vel suspiceris proximum esse improbum vel peccasse graviter: alioqui peccares contra Iustitiam, inferendo malum proximo, sine sufficienti, & justa causa: quisque enim jus strictum habet, ne ei malum sine justa causa inferatur: haberi autem improbus est malum proximi grave, utpote per se concitativum gravis molestiæ. Et dubium etiam positivum non est sufficiens, nec justa causa judicandi proximum peccasse: incer-

incertum enim crimen non est sufficiens, & justa causa eum privandi bonâ existimatione, quam possidet

2. Positivè, practicè, hoc est, ut in praxi, & viræ civilis usu, ubi de cautela non agitur, affectu interno, & externo modo agendi proximus tractetur tanquam si revera esset probus, ei præstanto consuetahonoris, & urbanitatis officia, perinde ac si nullum esset de ejus probitate dubium: nam illis proximum ob dubium exortum privare iniquum esset, & contra has regulas charitatis: *Quod tibi non vis fieri, alteri non feceris: Omnia quæcunque vultis, ut faciant vobis homines, & vos facite illis.* Item quoties pravus in proximum animi motus vincendus est, aut vis h̄c & nunc statuere apud te quo loco sit habendus, aut periculum est, ne bona opinio de eo à te concepta minuatur, si judicium suspendas; tunc judicare debes positivè eum habendum ut virum probum, nec ob dubium exortum bonam de eo opinionem minuendam esse.

Dixi de personis. Nam dubia de rebus putâ, an contractus talis sit licitus nec ne, non sunt in meliorem partem interpretanda, sed suis momentis aestimanda: quia tunc id unum agitur, ut cognoscatur veritas, & vitetur illicium, nec timendum ne cuiquam inferatur injuria, & ex eo nihil boni, vel mali accrescit rei.

Resp. II. Cùm agitur de damno vitando, vel remo-

remedio adhibendo, dum non constat de probitate proximi, *ex communi* licet sibi, & aliis consulere, & eam cautionem adhibere, quam prudentia dictaret adhibendam, supposito quod esset malus, non tamen de eo male judicando, aut suspicando. Quia tunc nemini infertur injuria, vel damnum: licitum est autem sibi, & proximo sine cuiusquam injuria providere. Hinc non peccas dum excipiendo ignorantia in ædes tuas, ita caves rebus tuis, ac si dubia esset hominis probitas.

**Q. 2. Quid est detrac<sup>t</sup>io, contumelia, & calumnia?**

*Not.* Fama est existimatio bona de aliquo, quæ putatur bonus, & habilis ad aliquem bonum usum. Sive est existimatio seu opinio excellentiæ alterius. Honor est testificatio excellentiæ alterius animo conceptæ. Excellentia autem, quam spectat fama & honor, consistit primariò in virtute, ac sapientia earumque functionibus, quæ homines verè laudabiles reddunt: secundariò autem in aliis perfectionibus, ut sunt ingenium, doctrina, nobilitas; item quoad honorem potestas, sive Ecclesiastica, sive Sæcularis, dignitas Principii, quæ inest parentibus, &c. Imò id quod singularem quemdam ad has perfectiones ordinem habet, vel ut instrumentum virtutis, vel ut ejus effectus, est etiam ratio honorandi, ut nobilitas, quæ ex præclarè gestis orta est.

Hinc